

Sax.



22051

III Mag. St. Dr. P

Carolus

Cynicoske Joannis Sydus in umbra.

PANEG. et VITAE  
Polon. Fol.  
N. 1463.

S Y D V S  
IN V M B R A,

S I V E  
*IN M A C R O R E S O L A T I U M ,*  
Ob luctuosum occasum,

*ILLUSTRIS AC MAGNIFICI O L I M D.*

THEODORI CAROLI,  
Comitis à Tarnow  
KRZEPICEN. KLOBVCEN. ZYZMORIEN.  
CAPITANEI.

A

M. IOANNE CYNERSKI RACHTAMOVIO, S. Th: P.  
S. Flor: Can. officiosa pietate, ad feralem vrnam  
exhibitum c. q:.



C R A C O V I A E,

In Officina Typographica Valeriani Piątkowski, Anno  
Domini, 1647.



Luna tua non minuetur, quia erit tibi Do-  
minus, in lucem sempiternam; & com-  
plebuntur dies luctus tui.

ISAIAE cap: LX.



S Ydus in Vmbra hæret, lux in tenebrisq; quiescit,  
Mors immortalis, per pia facta nitet.

22051 III

Illustriss: & Magnificis DD.

D. I O A C H I M O  
PARNAVIEN: PALATINO,  
Venden: &c. &c. Capitaneo.

E T

D. M I C H A E L I  
In Wielowessio, Dzikow & Zborow  
H AE R E D I,  
CASTELLANO WOYNICEN.  
Fratribus, Comitibus à Tarnow  
Dominis & Patronis meis pereximię  
obseruandis,

M. JOANNES CYNERSKI RACHTA-  
mouius, S. Th: P. ad S. Flor: Can. Salutem et in merore  
solatium.




Raue grande q; vulnu s, quod Illustris Ve-  
stra Domus, ob immaturè raptum Illustr.  
THEODORVM CAROLVM, accepit, etiā  
improuiso merore nostri Lycæi confudit  
eloquentiam. Illustriss. Comites TARNO-  
VII. Toto isto Scriptionis tractu, nec ver-  
ba habuimus composita ad concentum, &  
nihil nisi Veritatem misimus ad solatium.

Nam sicut calenti vulneri sensus deest: ita nondum exactus pri-  
mi doloris turbo, recenti calamitate inducit stuporem. at vbi  
flexu temporis, vires mentem q; collegimus, ausi sumus, à Gen-  
tilio Vistro Sydere, imo vel ab Vmbra, petere solatium. cum  
deduximus Sacræ potissimum paginæ testimonij, qualis sit, &  
quām præceps, humanæ sortis conditio; & quam citò, quam q;  
semper, ac in dies, & momenta moriamur. Dedeceat Sacris ad-  
dictum mysterijs Sacerdotem, nisi è Sacris fontibus, delibare do-  
loris leuamenta. quæ plus ponderis & sanitatis habent in sensu,  
quām in complexu verborum lenitatis. Horrida res est (imo si  
res est, quæ est rerum priuatio?) ipsaq; cogitatione tristissima

) 2

Mors,

MORS, idèò furuum amat squallidumq; colorem, & omniem de-  
spicit dictionis apparatum. Sed tamen leuiora illa sunt, quæ pas-  
sim ad omnes spectant, quæ vnum fatigant; soletq; patien-  
tiæ, maius dare robur, communis calamitas. Vanum est time-  
re, quod vitari non potest. Hanc Lybitinam, nulla diligentia ef-  
fugit, fælicitas nulla domat, nulla potentia euincit, pietas demul-  
cet nulla, sanctitas, & auctoritas nulla reprimit vel cōceret. Enim  
*Fran. Pe*  
*rar. de*  
*remedir.*  
*teriusq.*  
*Fortuna*  
*lib: 2.*  
*c. 48:*  
*Tertull.*  
*li. de pa*  
*tién. c. 9*  
*D Hiero*  
*sp. 250.*  
uerò quicunq; viri fortes visi sunt, à conscientia recte factorum,  
tum à literis, in discrimine doloris, præsentia remedia petierunt;  
quorum exempla, refert ille perspicacis ingenij, iudicijq; potētis  
author, qui remedia grassanti vtriq; Fortunæ, præscripsit homini-  
bus ad sanitatem. Grauiter quoq; vt omnia, antiquiss. Doctor  
Tertullianus; Profectio est, inquit, quam putas mortem. Nō est  
luggendus, qui antecedit, sed planè, désiderandus. Id quoq; desi-  
derium, patientia temperandum. Quem enim immoderatè fe-  
ras abijisse, quem mox subsequeris? Inter miracula propè dixe-  
rim refert D. Hieronymus Paulæ constantiam de obitu Blesillæ.  
Rem jum, inquit, dicturus incredibilem, sed, teste Christo, non fal-  
sam. Quis illam tunc non putaret, more lymphatico, sparsis crini-  
bus, veste consessa, lacerum pectus inuadere? Lachrymæ guttae  
non fluxit! stetit immobilis! et ad pedes Christi deuoluta, quasi ip-  
sum teneret, arrisit! Expeditius, inquit, tibi seruitura jum Do-  
mine, quia tanto me onore liberasti. Quanquam non hæc ideo  
dico Illustriss. Palatine, quasi de Tua animi moderatione delibe-  
rem. Agnouisti in Filio Illustriss. Palatine, eximiā Dei benignita-  
tē. Mens bona, vigor animi, industria, magnanimitas, plurimū Te  
recrearunt. Affinitates cognationelq; decus & ornamentū attu-  
lerunt. Ex priore Illustris THEODORI Con sorte, Elisabetha Cathe-  
rina de Podberesko, Casimirū ingenuæ indolis Spectas Nepo tē;  
HELENÆ quoq; DANILOVICIA, in puerperio (vt Poétarū more lo-  
quar) benigna Lucina fauebit. Nā DANILOVICIA Luna fæderato lu-  
minis sydereprægnās nō potest, nisi magnū parturire pign9. Bono  
equidem auspicio, vtraq; TARNOVIA & DANLOVICIA Gentis Sy-  
dera, coniuncta sunt. Vtraq; antiqua meritorum propagatione,  
vt cum Cælo certare possint, creuerunt. Vtraq; Cæli Sydera usur-  
parunt ad gloriam. Nec ambigimus cōlonam illā debere esse ami-  
citiæ charmoniam, quæ singulari modulatione Cælo suam origi-  
nē duxisset. Et ipse quidē Filius, quāquā medio in spatio integræ  
ætatis eruptus, quantū ad gloriā lōgissimū æuū peregit. Tu Ill. Pa-  
latine super, præmisisti nō amisti Filiū. Té verò Ill. Castellane, cū  
Filio Tuo charisti. quē DD. Petri & Pauli in patrocinio à Sacro-  
fote, nomine imposito esse voluisti, diuina protegat benignitas,  
vt vestra Gētilitia Luna, nunquā nisi πανσελενη agnoſcat.



## SYDVS 7 X V M B R A.



VODlugemus omnes, lethali vmbra sydus compressum amænissimum, proferat tantisper beneficio dictionis, lucem suam in orbem cōspectumq; nostrum, dum eius vim atq; splendorem, velle uiter meditacione possumus attingere, ILLVTRISS:  
COMITES TARNOVII, cæteriq; Hospites mæstiss. Nam si tantummodo, Pater vnicum Filium, Patruus Nepotem chariss. Amici Cognatiq; Amicū desideratiss. & Virū Vicini Hospitesq; in hac ætatis firmitate florentissimum, à nostro conspectu præcipiti casu abreptum obstupecsimus, & non altioribus etiam defixi cogitationibus, breuem vitæ humanæ & incertam orbitam, variosq; euentus atq; pericula contemplamur, rem profecto facimus nostro officio, minus dignam, opusq; periculosæ tractamus aleæ, per ignes suppositos Cineri doloso incedentes. Tum demum enim piè sancte q; in hac mortalitatis statione versamur, & saluti nostræ consulimus, cum fluxam & euanidam, rerum humanarum cōditionem, quæ nulli ætati, nulli dignitati satis firma & constans est, quotidie nobiscum expendimus, & ex vicinis, nostrumq; sensu palā  
b incur-

incidentibus exemplis, quid accidere nobis possit  
pensitamus: atq; adeò contra fugaces huius vitæ ille-  
cebras, & meras vanitates strenue depugnamus, infe-  
riora hæc despicimus, cælestia suspicimus, inq; illam  
beatorum Ciuium sedem cogitatione totisq; Viribus  
contendimus, vbi pax sine confusione, tranquilitas si-  
ne fluctu, sanitas sine vicissitudine, sine tædio fælici-  
tas, sine intermissione lætitia, sine fine æternitas per-  
manet atq; conquiescit. Submoueamus igitur mi-  
seris oculis, inuisa tandem dolorum simulachra, nec  
Illustri THEODORO CAROLO COMITI TARNOVIO,  
quod insperato casu & occasu ocubuerit, quicquam  
noui accidisse arbitremur. Quid iuuat funera toti-  
es deplorata, importuno fletu reducere ad feralem,  
pōpam, aut inexorabilibus lachrymis, vrgere semper  
damna, quæ reparari nunquam possunt? ac insuper  
leuamenta luctus, more præficarum, à luctu quære-  
re? Præstat non solum Orationem, sed etiam cogi-  
tationem omnem, si non ad euertendum, saltim ad a-  
uertendum ac leniendum dolorem, conuertere. Et  
tametsi, nihil difficilius sit, quam magno dolori, pa-  
ria solatia reperire, cum præsertim exiguis dolor lo-  
quatur, ingens fileat stupeatque; eo tamen pietatis &  
humanitatis officio, Illustrum Comitem Tarnovium, vita  
functum, THEODORVM CAROLVM venerabimur,  
quod nobis gentilium Symbolum, atq; hoc, quod la-  
tet Sydus in Vmbra proponit. Ut igitur ingeniosi  
pictores ingētes, Orbium ac lucentium Syderum tra-  
ctus, in breuicūm necesse est tabella, magis adum-  
brant, quam depingunt, nec lucem tamen Cælestem  
minuunt, etsi volubiles stellas breuibus cancellis co-  
arctant: sic nos heroicas Illustris THEODORI CAROLI  
COMITIS TARNOVII Virtutes, velut Sydus in Vmbra

contem-

cōtemplemur, & quod sibi ipse vita pie iuste q; trans-  
acta parauit decus expendamus, vt ab hac Syderis  
Vmbra, lucem meritorum, in amplissimo ambitu im-  
mortalitatis, *Illustris Gentis Tarnoviæ* possimus intueri.  
Ac mihi quidem insperatos casus variosq; euen-  
tus perpendenti, fatalis quædam calamitas, rebus in  
humanis maximè dominari, plurimumq; sibi vendi-  
care videtur potestatis. siquidem vt ingeniosus poeta-  
ta latis energicè pronuntiauit.

*Ludit in humanis diuina potentia rebus.*

Neq; hoc in nostra positum est voluntate, vt casus ad  
uerbos industria aliqua aut ingenij sagacitate auerta-  
mus, sed illud potius nostri muneris atq; officij cense  
amus, vt vitam hanc quam breuibus admodum can-  
cellis circumscriptam esse constat, innocentia, pie-  
tate, animi moderatione, æquitate, promoueamus,  
& immortalem quodammodo, vt illustre sydus in  
vmbra mortalitatis luceat faciamus. Vnde fiet, vt im-  
prudentia mors non sit illi, cuius prudentia vita fuit. Nam  
quo pacto rerum maxima negligat, qui parua, qui mi-  
nima, librare sit solitus? humanis autem in rebus, quid  
maiis morte monstraueris? quid par morti? Sic Sa-  
pienti, quiq; eminus cuncta præuiderit, nihil inspera-  
tum, inopinum nihil accidere posse, non ambigitur.

Sed homines ( ait sapientiss. Romanorum ) ita compo-  
sitifimus, vt nos quotidiana, etiam si admiratione digna sunt,  
transeant: contra minimarum quoq; rerum, si insolite prodie-  
runt, spectaculum dulce fiat. Hic itaq; cætus astrorum qui-  
bus immensi corporis pulchritudo distinguitur, populum non  
conuocat. At cum aliquid ex more mutatum est, omnium  
vultus in Cælo est. Sol spectatorem nisi cum deficit non ha-  
bet. nemo obseruat Lunam nisi laborantem. Tunc urbes  
conclamant, tunc pro se quisq;, superstitione vana trepidat.  
Quanto illa maiora sunt, quod sol totidem ( vt ita dicam ) gra-  
dus,

dus, quot dies habet, & annum circuitu suo claudit: quod à solsticio statim inclinat, & dat spatium noctibus: quod Syde-  
ra abscondit: quod terras, cum tanto maior sit illis non virit,  
sed calorem suum intensionibus ac remissionibus temperando  
fouet: quod Lunam nunquam implet, nisi aduersam sibi, nec  
obscurat. Hæc tamen non annotamus, quam diu ordo ser-  
uatur. Si quid turbatum est, aut præter consuetudinem e-  
micuit, spectamus, interrogamus, ostendimus. Adeò natu-  
rale est, magis noua; quam magna mirari. Hanc ipsam  
Lvnam, cur rerum cælestium interprætes Astronomi,  
lumine plenam siue integrum vocant, dum quo  
crescat non habet; sed potius habet, quo in singula pæ-  
nè momenta decrescat, non intelligo; nisi forte no-  
stræ mortalitatis vicissitudinem depinxerint. Tanto  
enim minus integra est vita nostra, quam sydus Lu-  
næ: tanto minus certa, quod incerta futuri est, certa  
præteriti, nullis vñquam remedijis instaurandi: hoc  
tamen illi similis, quod nunquam sibi similis. Motu  
siquidem perpetuo Cœlum voluitur: momenta ho-  
ras, horæ diem rapiunt, is alium diem trudit, isq; a-  
lium; & nunquam quies: sic menses prætereunt, sic  
anni; sic & ætas currit, ac properat, imo volat. Ex  
quo loquimur mutatio illi incessit, & modò per singu-  
los syllabarum tractus, vitæ aliquid discedit, accedit  
morti: semper illa præterlabitur, semper hæc instat.

Quotidie morimur ( idem Stoicus Rom. ratiocinatur )

Seneca  
Ep. 14.  
quotidie enim demitur aliqua pars vitæ, & nunc quoq; cum  
crescimus, vita decrescit. Infantiam amissimus, deinde puer-  
itiam, deinde adolescentiam; usq; ad hesternum quicquid  
transiit temporis, perijt. Hunc ipsum quem agimus diem, cū  
morte diuidimus: quemadmodum clepsidrum, non extremum  
stillicidium exhaustit, sed quicquid ante defluxit: sic ultima ho-  
ra, quæ esse desinimus, non sola mortem facit, sed sola consum-  
mat. Tunc ad illam peruenimus, sed diu venimus. Pra-  
sens

sens igitur tempus breuissimum est, adeò quidem, ut quibus-  
dam nullum videatur; in cursu enim semper est, fluit & præ-  
cipitatur, ante desinit esse quam venit, nec magis moram pati-  
tur, quam mundus, aut Sydera, quorum irrequia semper  
agitatio, nunquam in eodem vestigio manet. Eant nunc  
ambitiosi homonciones, & de diurno tempore vi-  
tæ glorientur, cum nihil possideant præter umbram!  
Quam verum est illud effatum patientissimi Iob: Iob 14.  
Cū dicit hominē fugere velut umbram. Et Rex Dauid  
Dies nostri quasi umbra super terram, & nulla est mom. Quo 1. Para-  
igitur umbra maior, eò nocturnis tenebris propinquior. 29.  
Imo sicut umbra dici potest quædam nox; ita  
vita nostra mors vitalis: aut vita mortalis: quo in  
argumento non minus vere quam subtiliter immora-  
tur, peraugusti oris D. Augustinus. Nunquam inquit  
in vita homo est, ex quo est in corpore isto moriente, potius  
quam viuente: si & in vita & in morte simul est: in vita lib. 13.  
scilicet in qua viuit, donec tota detrahatur: in morte autem de Ciu.  
quia iam moritur, cum vita detrahitur. Si enim non est in  
vita, quid est quod detrahitur, donec eius fiat perfecta consum-  
ptio? Si autem non est in morte, quid est vita ipsa detractio?  
Quæ cum ita sint, nemo præfixam sibi periodum su-  
perare, nemo ante diem mori, nemo fatorum vim a-  
damantinam cuitare potest. Satis diu vixit, quisquis  
benè. Quid verò iuuat, o misera mortalitas, animam  
per tot annos, etiamsi natura patiatur, per infinita  
temporum spatia, tristissimo corporis retinere com-  
plexu? Si cuncta gaudia nostra, si voluptates, & quæ-  
cunq; ex hac vniuersitate mundi, vel sollicitant aspe-  
ctu, vel blandiuntur vsu diligenter excutias, tota vita  
hominis umbra est, vel vt acutius Pindarus umbræ so-  
nnium, vel vt alij bulla atq; ros matutinus, qui minimo af-  
flatu venti, vel radio Solis attactus subito euanscit.  
Quare quisquis honestis operatus artibus nouit, quis  
sit finis bonorum, quæ vera hominis felicitas, nunquā

sibi videbitur immatura morte periturus; sed memor  
humanæ fragilitatis, memor fluxæ tortis, ad æternam  
suspirabit, immortalitatem suspiciet, spem firmam  
in summo Conditore locabit, atq; ab umbra mortis,  
ad æternitatem lucis euolabit, in eaq; securus conqui-  
scet. Hoc itinere benè præmunito, ab exilio in Pa-  
triā, à morte ad veram vitam demigravit Illustr:  
**THEODORVS CAROLVS COMES TARNOVIVS**, qui  
omnia vitæ suæ vota, omnia studia, ac præclaras acti-  
ones, spiritum dñiq; suum tempestiuè diuinæ resi-  
gnauit voluntati. Enim cum aurea vena ætatis reli-  
quæ, sit adolescentia, a qua velut aurora, meridiem,  
vitæ ominamur; eam primū domi, cura consilioq; vi-  
gilantissimi Parentis, optimis artibus perpoluit: & ne  
deinde ob annorum lubricitatem, aliqua prolapsoне,  
extra honestisemitam exerraret, solidis cām commu-  
niuit disciplinis. Enimuero eadem cum sit virtutis,  
quæ flammæ surgentis ratio, vt diu latere non possit,  
erupit tandem æmulo Vlyssis impetu, in *Germanias*,  
*Gallias*, *Italiam*, *Belgium*, vbi plures amicos inuenit,  
quām hospites; quibus frui posset, non vti: nec admira-  
tionem tantum reportauit, sed & famam. Illud Cæ-  
lum peregrinum, cum commodè latis hausisset *Illu-*  
*strius Comes THEODORVS*, in patrium redijt solum,  
maximo libertatis incitatus ardore. Cum à liberte-  
te non possit esse alienus is, qui in ea natus est. Hic  
plurimo cinctus artium & Virtutū Comitatu, *Illustr:*  
*Comes* facile in se flexit amicorum oculos, & fau-  
rem Principum. Ad aulam enim ab omnibus ani-  
morum pestibus, ita sciunctus fuit, vt nec vicinas ha-  
buerit; ita præcauit, vt nec hospites admiserit. Sci-  
uit corpori animum, animo virtutem, Virtuti Deum  
debere imperare: quare & corpus illecebris nun-  
quam

quam credidit, & animum in corpore habitare, non  
vivere voluit, eiulq; esse non socium, sed Dominum,  
atq; Regem. Quis satis luculentis Oratione explicau-  
erit, formatos ad honestatem mores, grauitatem si-  
ne fastu, sine sulpitione modestiam, dignitatem oris si-  
ne supercilio, animi candorem sine fuso, ingenium  
mite, Solers, amænum; mentem ingenuam, apertam,  
ac nesciam simulandi; quām pius in Deum, religiosus  
in Superos, quanta in amicos fide, in omnes humani-  
tate? Quanta verò in Patriam fuisset charitate,  
quid in re plana conqueram argumenta, aut verborū  
ludicris conformatiōnibus, veritatem ipsā illustrem?  
cum non speciosam magis, aut fucatam, quām soli-  
dā & verā, præstantissimæ eius, virtutes requirant O-  
rationem. Quod si taceamus nos, loquuntur publici  
sumptus, loquitur splendor aulicus, magnanimitas,  
magnificentia, rebus in agendis prudentia, atq; fælici-  
tas, cæteraq; præsidia, in legationibus à S. R. M. de-  
stinatis, cum ad Potentissimum Imperatorem FER-  
DINANDVM II. tum ad Christianiss. Galliarum  
Regem, in deducenda Sereniss. CÆCILIA RE-  
NATA, ac deinceps hac Cælo renata, Serenissima.  
**LUDOVICA GONZAGEA**, exquisitè com-  
parata. Ea Comitate *Illustris Comes Tarnouius*, sciē-  
tia, temperantia, grauitate, dignam stirpe TARNOVIA  
indolem ad perspicacem S. R. M. æquitatem expli-  
cuit, & inconspectu Ciuium Patriæ probauit, vt ad  
eos tandem veniret, quos consecusus est honores.  
Quid enim non summa laude in illo dignum? imo quid  
non diuinum? Nascenti illa cōtigit ei claritudo, quæ  
splendore suo Cælos attigit, & regiones has inferiores  
illustrauit. Nimirum Gens TARNOVIA cum nomi-  
nis sui famam, celcriter tanquam flammam, ultra Or-  
bem

bem Sarmaticum, in aridas Asiac partes promouisset, prorogassetq; à Cælo & Syderibus cognatum lumen debuit auspicari! Quicquid terrarum Septemtrio tegit, quam latè à Carpathis montibus ad Caspium mare, a glaciali Oceano, ad Pontum Euxinum protendit Europa, quicquid vel iusto imperio Poloniarum Rex, vel hæreditario iure continet, id *Lelianarum* fortissimi bellatores, tot sæculis illustri fama rerumque gestarum gloria compleuerunt. neq; enim *Lunam patriciam Quirinalibus tholis*, sed Bellonæ Phalangibus acerrimis asseruerunt, vt memor meritorum alacritus surgeret ad imitationem posteritas. *Lelianarum Principes*, imperatorio onusti paludamento, *Lunam noctilucam*, non more Romanorum in *Colle Palatino*, sed indeuijs ac inuijs Sarmatiæ campis, ad iustum Imperij propagationē peruigiles salutarunt; ac frustra fremebus vndiq; barbaris oppositu pectorum suorū pacem & quietem Orbi Christiano reddiderunt. *Lelianarum Dynastæ*, quoties rigidam Martis Orchestram exercuerunt, toties fugam Scythis, stragam Turcis, terrorrem Moschis perduellibus incusserunt! quoties complecti Pacis studia maluerunt, prudentiâ firmare regnum, regijs propè sumptibus excitare tempa, propagare pietatem exemplo, Religionem augere meritis, felici condicamine potuerunt, veri virtutis, pietatis, magnanimitatis, ex asse hæredes, ac prodromi. Non desiderauit vñquam ex hac Gente Resp. Herculis clauam, Symbolo Lunæ insignitam; non Ægyptiorum Isidem, plenis vberibus munificentia redundatam; non Xenophanis Orbem Pythagoreis Vrbibus, in facie Lunæ circum fusum: & si quando Othonianæ productæ sunt in aciem Lunæ, semper ad Caput, aut caudam Draconis compulsa, defectu lumi-

nis

nis trepidarunt. & quia ea Gens Asiaticum tories contulisset fregissetq; Tyrannum, illius Lunas in suum traxit obsequium. Quod si illa duo fulmina belli, *Joannes Major, & Ioannes Gratus COMITES TARNOVII* <sup>Crom.</sup> cum *VLADISLAO IAGELLONIDE* <sup>l. 21.</sup> ceciderunt ad <sup>Bösinus</sup> Varnam, non victi, sed vincendo fatigati; ex eorum tamen vulneribus, plus gloriae Genti Polonæ, quam sanguinis profluxit. Nimirum nunquam, *Magna Sydera*, se illustris produnt, quam *in Umbra!* nullibi magis, quam in periculis, & pietas eminent, & virtus audet fortia. Quare prouidus ille fatorum genius, quos illustris semita, voluerit ad famam æternitatemq; grasi, illis pro Patria in solo peregrino mortem solet designare, tanquam lucrum! vt barbaricum furem, exterreant fortitudine, vel post fata! Fælices nimium, vt mollitem exprobrent, quæ *ad umbram* hostilem, obrigescit. Sed longum esset ea dicere, quæ nulla vñquam facundia, satis dixerit. Vos alloquor nationes, vrbes, populi, Reges, Tetrarchæ, Principes; vos deniq; mutæ regiones imploro, & sola terrarum ultimarum, vos testor maria, portus, insulæ, littoraq;. Quæ est enim ora, quæ sedes, qui locus, in quo non extent GENTIS TARNOVIAE, cum fortitudinis, tum verò pietatis, tum animi, tum consilij impressa vestigia? Prorsus affinitatem amant, Magna Cæli sydera, & Magnatū splendor. vt enim illa ideò serena sunt, vt vel *in umbra* luceant! & cum vnum illustrarint locum alio festinant, vt exornent: ita mutant sedem, illi, vt vbiq; prosint! nec cessant esse, vbi fuerunt. Leguntur hæc inscripta, imo infixa annalibus æternitatis, vt fuerint Patriæ propugnatores, ac propagatores Religionis auitæ, id est, Orthodoxæ, *Comites Tarnouij!* vtq; illis Cælum semper fuerit in oculis, in pectora æterni-

d

terni-

ternitas! & fluxa hæc contemnebant ut immortalia.  
lucrarentur. Si quis remotius oculos mittere nolit,  
Vrbium Reginam, & Caput orbis Poloni alpiciat *Cm-*  
*couiam*, sedem nidumq; illustriss. Comitum Tarnou-  
orum adeat *Tarnouiam*, cæterasq; magnificas ditiones,  
*Iaroslaviam*, *Czarnogradum*, *Tarnopolim*, *Zochouium*, *Wie-*  
*lowiesium*, *Melsinum*, *Magnam Xiaz*; & quæ ob ini-  
diā (quoniam ad alienos Possessores transferunt) cō-  
memorare negligimus, arces, propugnacula Ciuita-  
tes. templa constructa magnificè, Asceteria dotata  
liberaliter, Monasteria composita religiose, quibus  
Symbola Stellatæ Lunæ præfixa sunt. Quanquam  
ego, in Comitis nostri luce monstranda (quæ omni-  
um oculos perstringit) nolo Maiorum gentilitia sy-  
dera arcessere, quorum nomina cum terras excessi-  
sent, Cælo inscribi debuerunt, vt clarius sine nube æ-  
ternitati prælucerent. Hic quidem eorum Cineres,  
in monumentis Maiorum, velut in umbra resident, sed  
animæ beatæ in Capitolio æternitatis, æuo perfruun-  
tur sempiterno. Hoc Maiorum, stipatus Comitatu  
III. Comes THEODORVS TARNOVIUS, merita meri-  
tis auxit, nec ab gentilitij languinis hæreditario iure  
abscessit. Erat illi salutare sydus, & vnica Cynosu-  
ra, Ecclesiæ & Patriæ prodesse. Aucti stemmatis i-  
mago, pulsabat subinde virum, hortabaturq; ne vi-  
gilino bsequium animus, qui Lunam, sydusq; specula-  
retur, a Cælo cælestiumq; contemplatione abiret.  
Meminisset sic diem, sic noctem illustrare, vt erraticis  
etiam, inter Aulæ Tropicos stellis, exemplum inno-  
centiæ preberet. Inde parum illi fuit necessitati stu-  
duisse, singulorum sibi necessitates obligauit; quan-  
do saluti egentium studuit, & in dies alimenta porre-  
xit. Quid afflictos vltro conquirere, dare salutem,

mise-

miseris, in Catalogum referre deploratos, missa stipe  
subuenire, & nelciri petere, an hoc non grande pie-  
tatis argumentum est? Nam vt Syderum Vires ple-  
runq; quæ Majores, sunt arcanæ sunt: ita qui facit be-  
neficium, & fecisse, audire non vult, & in facto re-  
perire laudem debet, & ignorantia magis innotescer-  
e. Verè Illustris COMES TARNOVIUS THEODO-  
RVS, verè CAROLVS & ipso nomine magnus; qui  
ne in scæna ostentaret pietatis munus, obscura ma-  
nu gessit, manu impleuit liberali. Nam diuini doni  
& nominis memor, in vcrecundiam fuit non necessi-  
tatem tantum liberalis; & ne pudor inopiam redime-  
ret, preces præuertit: vtq; liberalem in integro serua-  
ret voluntatem, voluit, vbi dedit latere. His meritis,  
stratam ad æternitatis arcem viam, quæsiuit & inue-  
nit THEODORVS, vidit, & prona mente secutus est.  
Verum hæc omnia, cum sint prolixæ pietatis fortissi-  
ma in hoc præcipiti casu & occasu III. COMITIS THE-  
ODORI solatia; illud quod illi primum fuit & extremū  
non omittam Aud. Etenim sæpius dum per insomnes  
noctes, cognatæ affinitatis memor,

*Sydera cuncta notata taceo labentia Cælo,*  
Stellarum Cæliq; Reginam, Sydereis redimitam,  
Coronis, Lunaq; pulchriorem, submisso pietatis obse-  
quio venerabatur. Huic ille stata precum pensa-  
dum adhuc puer operam literis addicebat, nobilis er-  
uitute decurrere, legem sibi dixerat: nihil ob ipsius ve-  
nerationem loqui, nisi æthereum, nihil agere, ac ne co-  
gitare quidem, nisi quod perennem D. Matris spira-  
ret amænitatem. Nempe Numen infinitum est, nul-  
la cogitatione bonitas eius, nulla prædicatione com-  
præhendi magnitudo potest. Proxima vero Numen  
i Virgo est, quæ Numen peperit, quæ Deum terris

d 2

dedit

dedit Saluatorem. Quisquis igitur semel Matrem, semper Virginē officiosa Supplicatione laudat, veneraturq; iā faciliori fælicioriq; passu, ad Deū accedit. Huc assurge Orthodoxa pietas, huc Vestras conferte voces diuinorum mysteriorum arbitri, Magni Dei, magnæq; Matris & Virginis precones: docete præuisis Orbem Vniuersum argumentis, quæ & quanta suis cultoribus & alumnis, hæc Magna etiam Magnorum peccatorum Patrona, præmia ac priuilegia apud eum quem genuit Deum, impetrare potest. Audite peccatores, decretalem & ex intimis pietatis præcordijs fusam D. Anselmi Sententiam. *Qui ad MARJAM,* inquit, *Supplex accesserit, impossibile est ut pereat. Et ipsa velit, nos nequaquam salui esse non poterimus.* In eam quoque Petrus Damiani erumpit vocem, dum sic Virginem Deiparam alloquitur: *Quomodo illa potestas, potentia tuæ poterit obuiare, quæ de carne tua, carnis suscepit originem?* Mellitissimus porro Bernardus Suauissima Ut solet Sua della, altissimum hoc recludit arcanum, atq; docet; *Non posse sustinere repulsam, qui quod Deo offerre vult, quantumvis modicum, gratissimis MARJÆ manibus offrendum tradat.* Et Ipsa inquit tenente non corruis, ipsa protegente non metuis, ipsa Duce non fatigaris, ipsa propitia peruenis. Infuper caulas tantæ prærogatiæ enumerat, dum gloriofissimam Patronam ita compellat. Per Te accessum habeamus ad Filium, o benedicta Inuentrix gratia, genitrix vitæ, Mater salutis; ut per Te, nos suscipiat, qui per Te datus est nobis. Excusat apud ipsum integritas tua, culpam nostræ corruptionis, & humilitas tua grata, nostræ veniam impetrat vanitatis. Copiosa charitas tua, nostrorum cooperiat multitudinem peccatorum, & fecunditas tua gloria, fecunditatem nobis conferat meritorum. Obtura os impudens; quisquis temerario ausu, Iudiciorum DEI scrutaris abyssum, & per erratorum humanorum infirmitate-

firmitatem grassaris insolenter. Propter quod inexcusabilis es, o homo omnis, qui iudicas (intonat Doctor Gentium) in quo enim alterum iudicas, te ipsum condemnas. D. Paul *An diuitias bonitatis eius, & patientia, & longanimitatis eius contemnis:* Sed amplius nolo cum umbris certare dentatis; & censores istos perrigidos, qui infinitam bonitatem Dei, cerebrosis includunt cancellis, diuino iudicio relinquo. Nostrum sit istud maximum solatium Illustr. THEODORVM Comitem Tarnouium vitam vixisse integrum; vt alumnus & cultorem virginis clementissimæ, decebat: ac ideo (& si insperato abruptus sit occasu) nec male potuisse mori: nobis deniq; ab exemplo suo reliquissimam doctrinam, certissimam subitis casibus medicinam; memores vt mortis semper imminentis, ita sobrie iuste, pieq; viuamus, quasi nobis continuè rationem reddendam arbitremur. Incredibile enim est quam facile mors, vt domum nostram in fauillam redigat, irritetur. Paulo liberalior haustus, cursus incitator, defatigatio modica, frigus, æstus, somnus, vigilia immodica, satis magnæ causæ sunt, vt mors irritata,flammam in ædificium nostrum coniiciat, nosq; resoluat in Cineres. Nihil difficile est (inquit Stoicus Rom.) naturæ, ubi ad finem sui properat, Ad originem rerum parcè utitur viribus, dispensatq; se incrementis fallentibus: subito ad ruinam, & toto impetu venit. Quam longo tempore opus est, ut conceptus ad puerperium producatur infans. Quantis laboribus educatur, & adolescit? At quam nullo negotio soluitur? Vrbes constituit ætas, hora dissoluit. Momento fit Cinis, diu sylua. Hoc affigamus animo, hec nobis sub inde dicamus, Moriendum est. quando? quid tua? Mors naturæ lex est, mors tributum, officiumq; mortalium, malorumq; omnium remedium est. Latet unus dies, ut omnes obseruentur dies, ait D. Augustinus. Et

E

Salua-

D. Paul  
ep. ad  
Rem.  
c. 2.

Seneca  
lib. 3.  
Nat.  
quest. c.  
27.  
lib. 6.  
Nat.  
quest. c.  
37.

Saluator præcipit: *Vigilate quia nescitis diem neq; horam.*  
Itaq; solliciti in re tanti momenti, ( siquidem agitur de  
æternitate ) *vigilemus*: quamvis mortis cogitatio, &  
ad illam præparatio, tristitiam ingeneret. Bre-  
uem hanc sed salutarem sustineamus tristi-  
tiam, vitamq; ad meliorem frugem fle-  
ctamus per pænitentiam, vt cum  
beatis mentibus, in amænissi-  
mo illo Prytanæo immorta-  
litatis securè ab omni ca-  
su, & quieti, gaudi-  
js perfruamur  
æternis.

D.



J. XXX. 42

